

OWI CORONA AAKOZIWI-MANIJOOSHENS AAKOZIWIN (COVID-19)

Wegnesh Yaawong

COVID-19 aawan aakoziwin abi njibaamigag corona aakoziwi-manijooshens aakoziwin

Bemaadizijig corona manijooshens aakoziwin maamowi aawan miinwaa gagweji nowendaagwog bangii aakoziwin, nasaab owi agigokaawin.

Sweshkaag

Corona manijooshens aakoziwin gagweji sweshkaanon owa bemaadizid miniwesiwin egigshkang maanda nikiiyaa:

- ▶ meshkodaanaamiwin bangigaag apii osasdamanang maage jaachaamang
- ▶ beshaa yaang gwayaa, dibishko gonaa danginamang ninjiin maage ziginjiinigeng
- ▶ daanginaman gego zhiwe temgag owi manjigooshens aakoziwin, amiidash miinwaa danginaman gshkiizhigon, gjaansh maage gdoon

Ninda manijooshens aakoziwinan gaawii nenjigaadesno awii shweshkaage zhiwe nodin zhiibaabideg maage nibishing.

Giishpin yaaman inamjiwinaan

Giishpin yaaman inamjiwinaan owi COVID-19 – gazhizang, osasdamwin, maage zmagag awii neseng:

- ▶ bekaa endaawin yaan (**gibaakodizan**) awii bwaaw sweniman owi gwayaa bkaan bemaadizijig
 - giishpin yaa-aabi aanin wiijgendwadaa, bkaan aajikiniganing yaan maage 2 nisiwe bimisewin dibagan yaan.
- ▶ giishaa giigidan jibwaa o'waabmad mina yaawin negijitod maage giigidan gdo **mina bimaadiziwin nyaagdowendang**
 - wiindamo enamanjiwiwin miinwaa naagadoon ezhi wiindamaagowin awii zhichigewin
- ▶ Giishpin wewiib mineziwin mina yaaw naagdowendimegwin, giigidan 911 miinwaa wiindamo gdo inamjiwinaan

Inamjiwinaan

Inamjiwinaan gnimaa adaa dibasaanon maage woshme adaa niizaandoon.

Inamjiwinaan gnimaa 14 giizhigag adaa njitaanon awii mogsemigag shkwaa inowedizang owi aakoziwi-manijooshens.



GAZHIZANG



OSASDAMANG



ZMAGIZING AWII NESENG

Nigaabijigaadeg

Memaanji nishing nikiiyaa awii nigaabijigaadeg sweshkaag newe miniwesiwinan aawan awii:

- ▶ zhichigen **beshaa bwaaw yaawin** pane gwa
- ▶ bekaa endaawin awii yaawin giishpin aakoziwin awii miwishkiman sweniman aakoziwin gwaya bekaanzijig
- ▶ gziibiigininjiin minwe aapii nikaaziwin gziibiiginigan miinwaa nibiish gnigen agwa 20 dibagaans
- ▶ miwishkan danginaman gshkiizhigon, gjaansh maage gdoon, memdage agwa wiinininjiwin
- ▶ Miwishkan beshaa yaawin gego bemaadizijig yaakozijig
- ▶ apii osasdaman maage jaachaamiyin:
 - gaba-an gdoon miinwaa gjaansh gnik nikaaziwin maage moshweniigaans awii naazhinaman owi swesewaad maji manizhoosensag
 - wewiib ngoji pagish moshweniigaansag agaa nikaaziwin zhiwe webinigan taasowin wewiib agwa epiichi gshkitowin miinwaa gziibgininjiin shkwaa zhichigewin maanda
- ▶ biinton miinwaa waabshkibiiginan minwe aapii e'danginigaadegin nikaaziwinan miinwaa e'desaagin, dibishko gonaa daminowinan, waasamo biibaabikonsan miinwaa shkwaandem ziginiganan
- ▶ biiskan **gaawii maskiki giibingwegan maage gabiingwegan** (dibishko gonaa **ezhichigaadeg** kina awii gabaman jaansh miinwaa doon bwaaw dwaag, miinwaa dikobideg dikobijiganan maage toganing majimsing) awii gnowendaagoziwaad bemaadizijig miinwaa e'desaagin gaataawiing yaawin.

GIISHPIN WOSHME GEGO AWII GIKENDAMAN, ZHAAN

@ canada.ca/le-coronavirus maage giigidan 1-833-784-4397

